

# Nerisat - meeqqat inuusuttullu

## Paasissutissat

Nerisarnermi ileqqut inuunermi siusissukkut tungavilerneqartarput. Angajoqqaatut akisussaaffigaat meeqqavit peqqinnartunik nerisarnissamik ileqqoqarnissaa. Meeqqannut maligassiuisussaavutit, taamaattumik ajornannginerpaassaaq illit nammineq peqqinnartunik nerisaruit. Meeqqat angajoqqaamissut iliukkajuttarput. Taamaattumik meeqqat ikiussavat illit nammineq nerisavit suuneri isummerfigisarukkit. Maligassiuisuuneq oqinnerussaaq meeqqavit pitsaasumik ineriartornissaminut nerisassat suut pisariaqartinnerai nalunngikkukkit.

Meeqqat inuusuttullu assigiinngitsorujussuupput, ataaserli ataatsimoorussaraat. Timimik aalatittarnissaa peqqinnartunillu nerisarnissartik pisariaqartippaat.



**\*Meeqqat inuusuttullu** assigiinngissitaartunik kalaallit nerisassaataannik nerisarnissaannik kaammattorneqarput, taamaattorli pingaartumik nannut, arferit kigutillit, timmissat imarmiut puisillu utoqqaanerusut neqaat tunuarsimaarfigineqassapput. Neqit tamakku assersuutigalugu aalisakkanik miluumasunillu nunamiunik, soorlu tutut, umimmaat kiisalu savat Kujataaneersut neqaannik taarserneqarsinnaapput.

## Neqeroorut

Meeqqat misissortinneranni peqqinnissaqarfimmi sulisup meeqqannik misissuisup nerisassat pillugit oqaloqatiginissaanut periarfissaqarputit.

## Nammineq (angajoqqaatut) qanoq iliuseqarsinnaavunga

Angajoqqaatut ilaqutariullusi ileqqusi eqqarsaatigilluarsinnaavatit. Ullaakkorsiornissarsi piffissaqarfigisarpisiuk? Unnukkut eqqissisimaaqatigiinnissinni suut nerrivimmiittarpat, chipsit imaluunniit paarnat? Nerinermi suut iggisigisarpisigit, imeq immullu, imaluunniit safti colallu? Sunngiffissinni timersi aalatittarpisiuk imaluunniit fjernsynimi filminik isiginnaartarpisi? Illit angajoqqaatut peqqinnartunik aalajangiinikkut meeqqat inuusuttullu peqqinnartumik inuuneqarnissaannut aqqutissiuuttussaavatit.

---

## Qanigisat

Nerisaqarnermut innersuussutit qulit malillugit inuunissamut ilaqtariittut iliuserisinnaasasi amerlaqaat.

- Nerisarnermi ileqqorisatit niuerniarnermi aallartittarput. Peqqinnartunik pisisarit.
  - o Assersuutigalugu sapaatip akunneranut nerisassasi pilersarusiortakkit, immaqqa ilaqtariit tamarmiullusi, tasanilu sutornissasi pilersarusiorlugit. Ilutigisaanik niuerniagassat allattukkit, taamaalillusi atugassasi eqqortut pisiariniassagassigik.
  - Meeqqatit peqatigalugit igasarit
  - o Meeqqat ilarpasuunut igaqataaffigisimasamik nerinissaat nuannernerusarpoq. Taamaattumik unnukkorsiutissanik iganermi meeqqatit igaqatigisakkit. Taamaalillutik aamma peqqinnartunik nerisassiorneq ilikkassavaat. Aamma ilaqtariittut peqatigiinneruvoq nuannersoq.
- 



## SIUNNERSUUTIT PEQQINNARTUT

Meeqqanut 4-10 ukiulinnut nerisarisat aalanissarlu pillugit.

Angajoqqaanut, meeqqerivinnut atuarfinnullu ilitsersuutit

---

## Meeraaqqat naartusullu

[Nerisaqarneq - Meeraaqqat naartusullu](#)

## Nerisaqarnermik innersuussutit qulit

[Innersuussutit qulit pillugit](#)

## Saaffiginninnissamut paasissutissat

[Peqqinnissaqarfimmi attavissat](#)

-->